

ATANIUYUNUT NAINAQHIMAYUT

Nunaqaqaqtuligiyyikku Ukiurtaqtumilu Pivaliayuligiyyit Kanatami (AANDC-kut tamnaluniit Timiuyut) ilauhimayut kayuhininut naunaiyaqnit taphuma Lupin Uyagakhiuqvit Nanminilgit (tamna Laisataqhimayuq tamnaluniit LMI-kut) tukhigautat (tamna tukhigaut) nutanguqnianut ihuaqgigiaqnianutlu tamna Qanugittunia A imaqmun Laisa 2AM-LUP0914 (Qanugittunia A laisa tamnaluniit 2AM-LUP0914) taphumunga Lupin Uyagakhiuqvik Havanguyuq.

Pititlugit ilia tuhagakhat piqaqtitauhimanit ikayuqhiqhugit tapkuat naunaiyaqni tapkuat tukhigautit ilailu atuqniaqniqanit piyautaqhimani tuhagakhat kinguagut laisauyuq tuniyauniani, tuhaqpaligakhat piyalgit tapkunanga LMI-kut hivuani tuniyauniahagtitlugit imaqmun laisakhamik. AANDC-kut naunaiyaqhimayai nutat tuhagakhat tuniyai tapkuat LMI-kut piqaqtittugitlu uqauhit atugahuaqunitlu uumani tuniyami tapkununga Nunavut Imaligiyyit Katimayit (Katimayit tamnaluniit NWB-kut) ihumagiqahiutiyakhai.

Huli piqaqtuq qaphinik iniqhimaittunik pityutunik hivuganagutauni imaqaqniuyunut ihumagiyauyukhatlu pikpat uyagakhiuqvik laisatatqikhaqqat ilautitlugit: malikhangitnit laisauyup atugiaqaqniut tapkuatlu AANDC-kut Qauyihaiyat tukhigaqnit; munaqhityutaitni qauyihagnilu uyagaktaqnikunut kuvigaqviani hauyauni atuttiagiangit; qanugittuyangit hiamaktaunit anuqimun hunat hilataani taphuma uyagaktaqnikut kuvigaqviata hiamaktailiviup; ahivaqni hivuganaqtut iqakut hannavikmin, qanuqtutlu halumaitnitlu nunat huguilatlu iqakut uyaqat.

LMI-kut piqaqtitiyut nutanguqtauninik halumaqtigiyut akitunit kihimik pihimaitai tamaita iniqhimaitnit naunaiqtaunit talvani Aktuupa 2014-mi. Tamna kiinauyaliquitinut nautiumatit tatya tigumiaqtai taphuma Minihitauyuq naamangittuq piyauninik tapkuat katitlugit pihimaitnit halumaqtiginiqmun atugait taphuma uyagakhiuqvik qimaktauniqat.

Tamna tuhagakhaq tukhigaunia piyalik naunaiyaqniut avatiliqutit atugait mikhauttaqnilu halumaqtiginiqmun akitunit. AANDC-kut tukhigaqnit ukuat tuhagakhat piyaulaqni hivuagut tapkuat Inungnut Naalakniqmun. Ahiaguttauq, tamna kiinauyaliquitit nautiumatit piyalgit malikhugu laisauyuq ihumagiqahiutiyakhat hippakuinut naunapyaknit ihuaqhigiaqlugitlu taimaatut.